



SAKSFRAMLEGG

Saksnr:	Utval:	Dato
	Levekårsutvalet	

Sakshandsamar:	Arkiv:	ArkivsakID
Ann Kristin Bolstad	FE - 143, FA - A00	18/1123

FORSLAG TIL PLANPROGRAM FOR KOMMUNEDELPLAN OPPVEKST

Vedlagte saksdokument:

Planprogram Kommunedelplan Oppvekst

Rådmannen sitt framlegg til vedtak:

Levekårsutvalet arbeidsprosess og tema til planprogram for Kommunedelplan Oppvekst.

Levekårsutvalet ber kommunestyret ? senda planprogrammet på høyring i 6 veker i medhald til § 11

Levekårsutvalet oppnemner som saksordførar.

Saksopplysningar:

Kort om saka:

I samsvar med *Kommunal planstrategi for Vaksdal 2016 - 2020* skal det utarbeidast ein ny kommunedelplan for oppvekst. Formannskapet har bedt Levekårsutvalet drøfte arbeidsprosess og tema i planprogrammet for kommunedelplan oppvekst.

Bakgrunn

Utgangspunktet vert teke i den kommunale planstrategien og Samfunnsdelen til kommuneplanen, og ein legg retningslinjer og pålegg frå statlege og regionale myndigheiter til grunn. Ein skal ta stilling til langsiktige utfordringar, mål og strategiar for kommunesamfunnet som heilheit og kommunen som organisasjon. Kommunedelplan Oppvekst dannar grunnlag for verksemd og planar innan tenestekområdet. Planen skal ha ein handlingsdel for 4 år eller meir. Handlingsdelen skal reviderast årleg. Økonomiplanen skal omhandle eller legge føringar for handlingsdelen.

Planprogram

Det første steget i planprosessen vert å utarbeide eit planprogram, jf. plan- og bygningslova §11-13. Planprogrammet skal vise kva tema ein skal sjå nærare på i planen, og korleis ein skal gjennomføre planarbeidet.

Planprogrammet skal gjera nærmare greie for føremålet med planarbeidet, ta for seg planprosessen med fristar og deltakarar, samt opplegg for medverknad. Programmet skal synleggjere tema som bør utgreiast spesielt og skal vera styrande for arbeidet og innhaldet i heile kommuneplanen.

Forslag til planprogram er vedlagt, og inneber utarbeiding av Kommunedelplan Oppvekst utvalde tema etter forventede utfordringer i komande planperiode.

Planprogrammet skal leggjast ut til høyring og offentleg ettersyn i minimum seks veker og kommunen vurderer merknadene som kjem inn før endeleg planprogram vert fastsett.

Sjølve planen skal utarbeidast etter det fastsette planprogrammet.

Organisering av planarbeidet

Formannskapet er planutval og skal gje innstilling til kommunestyre om planprogram.

Utval for Levekår har tenesteområdet for oppvekst som sitt ansvarsområde. Det heiter i reglementet at «Utvalet har særleg ansvar for at det vert utarbeidd gode målsetjingar, planar og andre styringsdokument for tenestene innan utvalet sitt arbeids- og ansvarsområde.»

Rådmann legg opp til ein tett og god dialog med planutvalet gjennom heile planprosessen

Medverknad og framdrift

Det er krav til medverknad etter plan- og bygningslova. Dette vil framkome av planprogrammet.

Framdrift vil òg framkome av planprogrammet

Heimel

Formannskapet i Vaksdal har i møte 03.09.2018 vedteke oppstart av planarbeid for Kommunedelplan Oppvekst i medhald av plan- og bygningslova § 11-12. Formannskapet ber i vedtaket Levekårsutvalet om å handsame drøftingssak om arbeidsprosess og tema til planprogram og om å omnemne ein saksordførar.

Vurdering: